



UNIVERSITÄTS-
BIBLIOTHEK
PADERBORN

Geschichte der geistlichen Stiftungen, der adlichen Familien, so wie der Städte und Burgen der Mark Brandenburg

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1845

CCCXXI. Papst Nicolas incorporirt die Kirche zu Preulingen der Succentorei des Domstifts, am 13. Juli 1452.

[urn:nbn:de:hbz:466:1-54414](https://nbn-resolving.org/urn:nbn:de:hbz:466:1-54414)

fiuntur sed dimittantur in pace. Item habeo aliam litteram de lüneborch super Tricentis flor. pro quibus proueniunt in festo sancti Johannis Baptiste viginti flor., quam certo amico dedi, qui de ea benefaciet et disponet iuxta mentem et tam debet retinere ac facere et disponere iuxta premissa et libitum suum, circa quod dedi litteram meam sigillatam de voluntate. Ideo pro ea non debet inquiri etc. — Item do et assigno Wernero Caluen decem marcas de pretio Curie percipiendas, Item Bikkere majus de tribus simul compositum et duo coclearia argentea, Item Martino Moringh Bikkere medium et vnum coclear argenteum et vnum coclear ligneum cum capite crispo. Item do et assigno preposito Stendal. Johanni Eykendorp Bikkere minus de tribus simul conjunctum et candelabrum de auricalco factum. Item do et assigno domino Thiderico damenitzen duo Bikkera minutissima simul conjuncta ad malmasetum valentem. Item do et assigno domino Thilemanno Schartow Ciphum ligneum cum argento desuper ornatum, quem dedit mihi pie defunctus quondam Lambertus holthuse. Cetera bona et res siue Vestes pono ad dispositionem Testamentariorum meorum Ita quod familiaribus meis de vestibus meis iuxta congruentiam personarum dent Et de vtenilibus similiter disponant. Item do et assigno hinrico Schynen tunicam meam nigram pellibus vulpinis subductam et Capucium nigrum vnum Cantum de mediâ stopa ad pellicium longum vulpinum, Item ollam vnâ de majoribus, Item duo marcas pro pretio, eo quod seruiuit michi. Item do fratri meo candelabrum magnum cum capite virgineo. Ad exequendum premissa elegi et deputaui Testamentarios meos ac vltime voluntatis Executores videlicet dominum Thidericum Damenitz Decanum halberstad. ecclesie, Johannem Eykendorp prepositum Stendaliensem, Tilemannum Schartow Canonicum ecclesie sancti Sebastiani Magdeburg., wernerum caluen, Johannem vlogel et Martinum Moringh. Acta sunt hec Stendal, in ecclesia sancti Nicolai ibidem, Anno a Natiuitate domini Millefimo quadringentesimo quinquagesimo primo, Indictione quarta decima, Mensis nouembris die vero Sexta decima, hora terciarum uel quasi Pontificatus Sanctissimi in christo patris et domini nostri domini Nicolai diuina prouidentia pape Quinti anno Quinto, Presentibus ibidem discretis viris dominis Petro holthusen, Nicolao Tornow et hermanno Bantzke presbiteris perpetuis vicariis dicte ecclesie sancti Nicolai Stendal. Testibus ad premissa vocatis specialiter et rogatis.

Anm. Am 13. April 1454 traf der Testator mehrere Aenderungen in dieser letztwilligen Erklärung, deren Inhalt nicht interessant genug ist, um hier ebenfalls mitgetheilt zu werden.

CCCXXXI. Papsi Nicolaus incorporirt die Kirche zu Peulingen der Succentorei des Domstifts, am 13. Juli 1452.

Nicolaus episcopus, seruus seruorum dei, Dilecto filio Decano ecclesie sancti Bonifacii halberstadenfis. — Sane pro parte dilectorum filiorum Decani et Capituli ecclesie sancti Nicolai Opidi Stendaliensis halberstadenfis diocesis nobis nuper exhibita petitio continebat, quod dudum perpetua vicaria ad Altare sancti Michaelis, situm in eadem ecclesia, que tunc certo modo uacabat, in Succentoriam ipsius ecclesie pro Succentore inibi, qui Chorum ipsius ecclesie quoad psalmos intonandos et cantus consonantiam ac horas canonicas in ipsa ecclesia absque confusione decantandas dirigere habet et pro solo nutu decani et Capituli predictorum, quotiens ejus excessus uel defectus exegerint, amoueri potest, auctoritate apostolica erecta fuit, remanentibus nichilominus oneribus, que eidem vicarie incumbant, Ita quod succentor dicte ecclesie pro tempore existens illa perferenda censeretur . . . quodque

fructus, redditus et proventus dicte Succentorie, qui adeo tenues sunt et exiles, quod ultra Quatuor Marchas argenti non ualent communiter annuatim decenti sustentacioni Succentoris ipsius ac incumben-
 tibus sibi oneribus minime correspondent, Et sicut eadem petitio subungebat, si parrochialis ecclesia in
 Puwilling extra muros dicti opidi, que ad collationem decani et Capituli predictorum pertinere dino-
 fcitur, et que propter loci uicinitatem et ipsius parrochialis ecclesie parrochianorum paucitatem absque
 cure animarum dispendio commode etiam per Succentorem ipsum gubernari potest, cuiusque fructus,
 redditus et proventus duarum Marcharum argenti secundum communem existimationem ualorem annuum,
 ut iidem decanus et Capitulum asserunt, non excedunt, eidem Succentorie, que iuxta erectionem hujus-
 modi in ipsa ecclesia sancti Nicolai manuale officium existit, perpetuo incorporaretur, uniretur et annecteretur,
 ex hoc ipsi Succentori prouideretur decentius ac Succentorie et parrochialis ecclesie profectus
 ueresimiliter succederet earundem. Quare pro parte Decani et Capituli predictorum nobis fuit humiliter
 supplicatum, ut parrochiam predictam dicte Succentorie perpetuo incorporare, unire et annectere de benignitate apostolica dignaremur. Nos igitur, qui de premissis certam notitiam non habemus, huiusmodi in hac parte supplicationibus inclinati, discretioni tue per apostolica scripta mandamus, quatinus uocatis quorum interest super premissis auctoritate nostra, te diligenter informes, et si per informationem huius modi ea reppereris ita esse, super quo tuam conscientiam oneramus, parrochiam predictam cum omnibus iuribus et pertinentiis suis prefate Succentorie auctoritate nostra perpetuo unias, incorpores et annectas. Ita quod cedente uel decedente dicte parrochialis ecclesie Rectore uel illam alias quomodolibet dimittente, liceat ipsius ecclesie Succentori tunc existenti dicte parrochialis ecclesie iuriumque et pertinentiarum predictarum possessionem per se uel alium seu alios auctoritate propria libere apprehendere illiusque fructus, redditus et proventus huius modi in suos ac Succentorie et parrochialis ecclesie predictarum usus perpetuo conuertere pariter et retinere, diocesani loci et cuiuscumque alterius super hoc licentia minime requisita etc. — Volumus autem, quod Succentoria et parrochialis ecclesia predictae debitis propterea non fraudentur obsequiis et animarum cura in eis nullatenus negligatur. — Datum Rome apud Sanctum petrum, Anno Incarnationis dominice Millesimo quadringentesimo quinquagesimo secundo, Tertio Idus Julii, Pontificatus nostri anno Sexto.

CCCXXXII. Vergleich zwischen dem Churfürsten und dem Markgrafen Friedrich einerseits und dem Domstifte andererseits, wegen des Patronats über fünf Kanonikate, vom 21. Febr. 1452.

— Nos Fridericus, Sacri Romani Imperii Archicamerarius et fridericus fratres Dei gratia Marchiones Brandenburgenses et Burggrauii Nurembergenses, fatemur publice — quod alias ortis differentiis et discordia quibusdam inter nos Marchiones predictos ex vna et honorabiles fideles nostros Prepositum, decanum et Capitulum Ecclesie Sancti Nicolai Opidi nostri Stendall ex altera partibus, De et super Collatione seu uerius Jure patronatus Quinque Maiorum prebendarum In dicta ecclesia sancti Nicolai a sede apostolica nobis friderico, Sacri Romani Imperii Archicamerario, gratiose indulto et concesso, Post multiplices tractatus Inter nos fridericum et fridericum predictos et dictos prepositum, decanum et Capitulum habitos, Nolentes alicui in suis Iuribus preiudicare, concordauimus Et super dissensionibus et differentiis exinde ortis amicabilem compositionem cum eisdem fecimus et iniuimus In hunc, qui sequitur, modum Videlicet: Quod nos fridericus et fridericus fratres Marchiones Brandenburgenses et Burggrauii Nurembergenses — De bona vo-